

Ischimus de Candido Baldracco chi cando issu a su cumintzu de s'800 aiat bisitadu sa mina, is traballos de chirca fiant firmos dae meda; difatis su matessi Baldracco, tràmite is literas de su Cav. Belly nos narat chi gai a inghiriu a su 1720 sa mina fiat istada isfrutada cun profetu dae su Sig. Marchesu Villaclara, feudatàriu de su bidditzolu de Pauli Gerrei, mortu in su 1820; su matessi Cav. Belly in una litera de su 1766 afirmat chi sa mina resurtaiat meda promitente, disponende de unu giatzimentu superfitziale de antimònìu surfuradu cun prata, fàtzile de iscavare e de carrigare pro mesu de unu caminu pro mulos atesu 8 horas. Pro tènnere però noas prus pretzisas tocat a torrare a arribbare a sa fine de s'800 cando sa mina fiat istada declarada iscoberta, e prus de pretzisu, su 12 de mese de idas de su 1891. In su freàrgiu de su 1894 sa mina fiat istada cuntzèdida a Ashley Ponsonby e Henry Ryan Lewis; fortzis, però s'isfrutamentu non fiat istadu contunu, difatis in su 1907 sa cuntzessione fiat istada revocada.



In cuddos annos sa cuntzessione fiat istada donada a is Signores James Hilleard e Walter William Griffiths e posca cun decretu de su 9 austu 1907 de su Tribunale Tzivile de Casteddu fiat colada a su Sig. Elia Valsena.


In su maju de su 1929 sa mina fiat colada a s'Ing. Cav. Alessandro Delfino.

In su 1939 sa cuntzessione fiat istada revocada in modu definitivu.

In is annos '70 totu àrea a Nord de Ballau (chi comprendet is localidades: Metzeu - Corongiu Melas - Margaida - Cuccuru e Domu - Genna Ucci - Bruncu Grisaioni - Monte Maraconis) faghiat parte de su permissu de chirca "Monte Nieddu", intestadu a sa RI.MIN. S.p.A., lacanàrgiu cun sa Cuntzessione Minerària "Cortes Rosas" de s'A.M.M.I. S.p.A.

MINIERA DE "SA MINA"

Custa antiga mina de Antimònìu bolet una descritzione particolare; difatis issa puru essende istada una mina a totu is efetos (cuntzèdida in su 1894) non resurtat signalada in peruna carta IGMI e mancu descrita in carchi publicatzone; custu fatu at causadu una dificultade manna in s'identificatzone de s'àrea minerària, chi non resurtat a largu meda connota de Cortes Rosas in territòriu de Ballau.



Sa mina de Sa Mina
a unos 3 km dae
Ballau, subra is
montigros a manca
sighende conca a
Scalepranu. De su chi
abarrat de is antigos
muntonàrgios
mineràrios si podet
biere colende in sa
S.P. 22.



COMENTE SI DDOE ARRIBAT

Pro lòmpere is cantieris mineràrios est a pigare
su caminu de istrada bianca pro su Monte
Bruncu Bonifacio, chi ingrùgiat sa S.P. 22 a
pustis de 2,7 km dae Ballau; una borta intrados
in su caminu isterradu si poderat sa dereta e
s'imbucat in su bacu istrintu de Saccui, in ue si
non si tenet una màchina 4x4 cumbenit a
parchegiare sa màchina e a sighire a pees. Dae
custa badde est possibile a lòmpere a totus is
cantieris mineràrios e fintzas a is pagas ruinas
abarrados de s'antiga mina. De sa mina betza
sunt coigliadas diversas gallerias, unos cantos
sàgios, cun relativos muntonàrgios de istèrile,
sa polveriera in parte tudada e is muros de sa
domo de su guardianu posta in posizione
panoràmica a cuota 232 m.

Como sa miniera de Sa Mina resurtat
ismentigada dae totus e is pagas
testimonias de s'antiga faina minerària
resurtant belle mortas; tra is istruturas
presentes signalamus sa presèntzia de
una polveriera interrada, atacada dae su
boscu chi presentat is sinnos de unu
muru chi dda ingiriaiat; resurtat galu a
camba sa domigedda de su guardianu,
posta in posizione panoràmica, chi
presentat in su muru de travuntana una
pitica aberidura chi serbiat a su bardianu
pro compidare s'intrada de sa polveriera
e pro incrare su fusile pro istesiare is
malintentzionados.



Ufitziu Linguìsticu de s'Unioni
de is Comunus de su Gerrei
Progetu finantziadu dae sa
L. 482/99 e dae sa L.R.
22/2018



minieredisardegna.it

S'I STÒRIA

Is primas noas de sa miniera de Sa
Mina nos ddas donat Alberto de la
Marmora in sa de tres partes de su
Biàgiu suo in Sardigna, de su 1852,
inditende una mina de antimòniu in
territoriu de Ballau: Issu narat:

"Sa cosa prus de importude de su
sartu a ingiriu de Ballau est sa bona
de antimòniu chi s'agatat a mes'ora
de distàntzia dae su bidda. in unu
logu naradu Sa Mina e fintzas Su
Carraxu. Cando amus bisitatdu custu
logu in su 1827, is traballos de chirca
fiant abandonados... is chircas in
custu giatzimentu sunt istadas
torradas a cumentzare paritzos
annos a pustis...".

